



„Let's Do It – očistimo zemlju za 1 dan“

## Mladi zajedničkim snagama očistili Grad Tuzlu

Šesta terenska akcija „Let's Do It – očistimo zemlju za 1 dan“ održana je u četvrtak, **27. aprila** na prostoru Grada Tuzla.

Ovogodišnja akcija čišćenja ilegalnih deponija okupila je **870** volontera koji su prikupili **47** tona otpada.

Lokacije koje su obuhvaćene akcijom čišćenja ilegalnih deponija su: izletišta „Ilinčica“, park „Slana Banja“, naselje Slavinovići (lokacija u podnožju Klinike za plućne bolesti UKC-a Tuzla), mjesna zajednica „Breške“, mjesna zajednica „Par Selo“ te naselje Tušanj (dvorište Osnovne škole).

*„Šesta terenska akcija čišćenja ilegalnih deponija izazvala je značajno interesovanje javnosti. Lokaliteti predviđeni za čišćenje ove godine su pored izletišta „Ilinčica“ i parka „Slana Banja“ i naselje Slavinovići te dvije mjesne zajednice. Iako je ovo šesta akcija „Let's Do It – očistimo zemlju za 1 dan“, nadamo se da će u budućnosti doći vrijeme kada neće biti potrebe za organizacijom akcija jer će Tuzla, Bosna i Hercegovina, te naša planeta biti očišćene od otpada.“*, izjavio je **Amar Kavgić**, izvršni koordinator projekta „Let's Do It Tuzla“.

Od samog početka projekta Grad Tuzla pruža nesebičnu pomoć i podršku te je i ovogodišnju akciju posjetio i zvanično proglasio otvorenom gradonačelnik Tuzle, gospodin **Jasmin Imamović**.

Akciju „Let's Do It – očistimo zemlju za 1 dan“ i ove godine su podržali kompanija „Eko život“ d.o.o, Grad Tuzla, Bingo City Center, Fabrika cementa Lukavac, Rudarski institut Tuzla, NLB Banka, te druge brojne društveno odgovorne kompanije i javne institucije.

Projekat „Let's Do It“ u Bosni i Hercegovini je počeo 2012. godine i do sada je u akcijama čišćenja ilegalnih deponija otpada i sadnje drveća učestvovalo **172.445** volontera, koji su očistili **13.000** tona otpada i zasadili **410.211** sadnica raznih vrsta drveća.

Naredna aktivnost projekta je akcija sadnje drveća „Let's Do It – milion sadnica za 1 dan“ koja će se održati u jesen ove godine.